



Posebna razmatranja

Trgovci ljudima ne spadaju u jedan stereotip

- Trgovci ljudima su obično osobe koje dijete poznaje.
- Trgovci ljudima ciljaju ranjivu djecu i mlade tako što im obećaju hranu, novac, odjeću ili utočište.
- Trgovci ljudima mogu vrbovati pojedince ili se s njima sprijateljiti na javnim mjestima kao što su biblioteke, tržni centri, parkovi ili škole.
- Trgovci ljudima prilaze pojedincima na internetu putem društvenih mreža ili aplikacija na telefonu.
- Trgovci ljudima mogu se činiti kao da imaju sve pod kontrolom i ponašaju se kao da znaju sve odgovore. S njima se lako i brzo možete sprijateljiti.

Razgovarajte s djetetom o mogućnosti trgovine ili eksploatacije ljudi

- Dijete vjerovatno neće svoju situaciju prepoznati kao eksploataciju ili trgovinu ljudima. Čak i ako kažu nešto o stvarima koje im se događaju, oni sebe nužno ne smatraju žrtvom.
- Nemojte osuđivati i izbjegavajte da sramotite dijete ako otvoreno progovori u vezi sa situacijom eksploatacije ili trgovine ljudima u kojoj se nalazi (ili u vezi s bilo kojim traumatičnim događajem).
- Govor tijela je važan. Obratite pažnju na vlastiti govor tijela kao i govor tijela djeteta kako biste bili sigurni da ne radite nešto zbog čega bi ono prestalo govoriti.
- Ako se dijete počne povlačiti ili prestane govoriti tokom razgovora, nemojte forsirati i stavite mu do znanja da vam se može obratiti kada god je ono spremno.
- Pitajte dijete želi li razgovarati sa savjetnikom za seksualno zlostavljanje, terapeutom ili sa osobom za koju smatra da mu može pružiti podršku.
- Ako se dijete nalazi u opasnoj situaciji, možda ćete morati pružiti pomoć bez njegove dozvole, ali to iskoristite kao priliku da izgradite povjerenje tako što ćete ga uključiti u taj proces.

Briga za dijete koje je bilo izloženo eksploataciji ili trgovini ljudima

- Svako dijete ima individualne potrebe i snagu.
- Razgovarajte s djetetom o uslugama za koje smatra da bi mu pružile pomoć i podršku.
- Upamtite da izlaz iz situacija kao što su trgovina ljudima i eksploatacija mogu biti težak proces za djecu i da će vam trebati više pokušaja.
- Zaštitite privatnost djeteta. To je samo njegova priča. Zbog sigurnosti svih aktera, ključno je da zaštitite povjerljivost djetetovih informacija kada god je to moguće.

Sljedeći koraci

- **U slučaju neposredne opasnosti:** pozovite 911
- **Prijavite slučaj agenciji za zaštitu djece ili za provođenje zakona.** Zakon u državi Minnesota nalaže osobama čija je to obaveza (npr. usvojitelji) da prijave slučaj ako imaju saznanje ili razloga da vjeruju da se djeca ili mlade osobe trenutno zlostavljaju ili zanemaruju ili su bili zlostavljani ili zanemareni u posljednje tri godine. Trgovina seksom nad djetetom, bez obzira na to ko je navodni počinitelj, mora se obavezno prijaviti. Roditelji ili negovatelji koji nisu obavezni, ipak mogu prijaviti slučaj lokalnoj agenciji za zaštitu djece kako bi potražili pomoć za svoje dijete.
- **Razgovarajte sa svojim regionalnim savjetnikom iz programa Safe Harbor.** Ako posumnjate da je vaše dijete izloženo riziku od trgovine ljudima ili eksploatacije, možete kontaktirati regionalnog savjetnika iz programa Safe Harbor kako biste potražili podršku i resurse. Mapa usluga programa Safe Harbor navodi informacije o kontaktu i mjesta pružanja usluga regionalnih savjetnika iz programa Safe Harbor širom države.
- **Napravite plan zaštite djetetove sigurnosti.** Razgovarajte s djetetom kako biste napravili sigurnosni plan. To možete uraditi uz pomoć regionalnog savjetnika iz programa Safe Harbor ili drugih stručnjaka koji mogu raditi s djetetom. Razgovarajte s djetetom o različitim scenarijima kako biste mu dali ideje u vezi sa sigurnosnim planom i realističnim koracima djelovanja. Također, razgovarajte s djetetom o odraslim osobama kojima može vjerovati i vršnjacima s kojima može razgovarati. Imajte na umu da planiranje sigurnosti može biti događaj koji će pokrenuti druge događaje.

Izvori

- [Ministarstvo za javne usluge države Minnesota, program Safe Harbor \(https://mn.gov/dhs/partners-and-providers/program-overviews/child-protection-foster-care-adoption/safe-harbor/\)](https://mn.gov/dhs/partners-and-providers/program-overviews/child-protection-foster-care-adoption/safe-harbor/)
- [Centar za komunikaciju roditelja i tinejdžera \(https://parentandteen.com/\)](https://parentandteen.com/)
- [Vodič o trgovini ljudima za roditelje \(Fondacija Polly Klaas\) \(http://www.pollyklaas.org/safe/a-parents-guide-to-human-trafficking.pdf\)](http://www.pollyklaas.org/safe/a-parents-guide-to-human-trafficking.pdf)
- [Nacionalni centar za nestalu i eksploatiranu djecu NetSmartz \(https://www.missingkids.org/netsmartz/\)](https://www.missingkids.org/netsmartz/)
- [Shared Hope: vaša djeca i tehnologija, sigurnosni vodič za roditelje \(https://sharedhope.org/wp-content/uploads/2018/11/Designed-Internet-Safety-e-book.pdf\)](https://sharedhope.org/wp-content/uploads/2018/11/Designed-Internet-Safety-e-book.pdf)
- [Love 146: vodič za sigurnost na internetu \(https://love146.org/action/online-safety/internet-safety-guide/\)](https://love146.org/action/online-safety/internet-safety-guide/)
- Besplatni webinar Ministarstva za javne usluge države Minnesota i organizacije MNAdopt: [Trgovina ljudima i seksualna eksploatacija: osnove za usvojitelje \(https://www.mnadopt.org/product/1187-webinar-human-trafficking-and-sexual-exploitation-basics-for-foster-and-adoptive-families/\)](https://www.mnadopt.org/product/1187-webinar-human-trafficking-and-sexual-exploitation-basics-for-foster-and-adoptive-families/).
- Besplatni pravni resursi na internetu i pretraživač besplatne pravne pomoći u mjestu prebivališta žrtve: [LawHelpMN.org Pružaoci usluga i klinike \(https://www.lawhelpmn.org/providers-and-clinics\)](https://www.lawhelpmn.org/providers-and-clinics)
- [Nacionalna telefonska linija za trgovinu ljudima, planiranje sigurnosti \(www.humantraffickinghotline.org/faqs/safety-planning-information\)](http://www.humantraffickinghotline.org/faqs/safety-planning-information)

